

別下齋叢書

一九



小蓬海遺稿

附屑屑集

小蓬海遺詩

吳江翁 雒

和二典兄讀吳漪蘭女士遺稿原韻己巳

颯颯風簾想峭寒繡函餘跡忍重看數行碎玉星星血
十樣蠻牋葉葉肝小草不禁秋露重輕塵欲駐美人難
腸迴九曲思無盡燭淚燒殘未忍彈

空有仙雲護碧苔雲中不復彩鸞回風花幻影三生夢
香雪微痕七字才清淚滴殘蕉閣雨暗塵飛盡藥鑪灰
芳魂一竟無消息魚素何由致夜臺

新正後風雪連朝茅堂枯坐卽事有懷壬申

總覺寸心海樣寬定然兩地月同看魚書久待溪冰泮

八達海遺言
鴨火常烘研墨乾對雪懷人詩亦冷嚼梅笑我齒忘酸
此情此味誰能識想見茅堂一例寒

冬日重過乍浦謁朱雅山先生

辛未

頻年生計向誰謀但酌龍湫水一甌滄海望窮千里目
空山唸老一筇秋藥花瑟瑟多蒼耳蒜髮盈盈已白頭
莫笑幽棲太冷淡曾經五馬過林邱

謂李許齋太守

貧士蘆中幾故交

謂伊葭村徐雪廬兩先生

摩挲卷軸慰蕭條西華

冬日衣還葛杜老秋風屋卷茅湖海不貧傳姓字江鄉
且喜溷漁樵今朝重訪先生宅依舊松雲護鶴巢

懷人十首

布衣動 天子書籍流四夷婆娑萬卷堆壽比榮啟期

秋墳夕陽落應唱鮑家詩

鮑參飲先生延博

有冠嬾不彈舉世如翁少貪遊山水奇尙覺九州小題

罷懷古詩蓑笠竟歸老

朱二垞先生棟

脫盡鬚與眉走入牀頭壘一个苦吟身妻子任飢凍偶

成草鞋詩衆口爭傳誦

丁半閑丈曙英

寧使出無車不可食無肉詩書付六丁秋風破茅屋誰

傳爨後音一洗箏琶俗

伊葭村先生杓

熱世作冷官先生乃僅有士皆公門趨我亦忘年友著

書精岐黃活人好身手

計壽喬丈栴

熟讀種樹書及門盛桃李五十誓成名肯言我老矣錯

認南宮賢妻以兄之子

沈木庵丈翹

湖上青牛翁連臺金粟影佞佛兼修真癖乃郝何等幾

時金丹光飛出青松頂

嚴舫漁濟

腰無十萬貫竟作揚州夢秋風故國思再續朱弦弄傷

哉北堂人新嬾麻衣送

姚古棹前樞

窮谷處長貧儒衣山鳥怪笑學郭景純活計青烏賣悲

歌只自憐誰向西江拜

黃果堂光曙

雄談山海經張華無此學謀生萬里歸不改貧而樂海

客久忘機終朝踞龜殼

徐許閑念典

三十初度

己卯

早拌綠鬢犯緇塵隨處能容落拓身芒角填胸爭五嶽
鶯花瞥眼易三春朋簞直等元纁重麗句難裁畫錦新

一笑書生尤計拙居然憂道不憂貧

深喜高堂六十強窮愁歲月著書忙粗營菽水時猶缺
擬補蘭咳意儘長二米聲華慚里巷一經家世話蒼茫
趨庭自笑風塵褐也逐斑斑戲采行

回首慈親見背時六齡未解涕漣漣消殘衣綫彌增痛
望斷門閭孰繫思展卷羞臨丙舍帖對牀應寄卯君詩
渭伯子莫辭將母歌重作一樣春暉報未遲

竭來風雨載華年我與羣芳共可憐懺悔何因皈佛子
江鐵君明經愚懵敢望作神仙未除結習禁花雨別有

勸修禪學閒情話水天顧影那容呼負負韶光又到旅人前

喜仲子湘表弟入學

戊寅

繡虎雕龍孰主張如君底負少年場幾回苦海津難覓
此後蓬山路正長便有人稱花樣好可知身入藥籠香
於今真作酸寒士況味從前乞再嘗

孺子長貧且莫論驚看老輩幾人存

君尊甫兄弟行四
人存者維令伯春

岩先生而已

尋常已溢家庭喜千萬難酬教養恩黃卷暗消

孤子淚青衫薄慰九原魂明春倘遂移居願要看泥金

署華門

君將
移家

題楓江漁火圖同徐丈雪廬作

圖為徐虹亭檢討
故物今歸其族孫

山民待
詔處

白髮蕭蕭筇笠寒半生春夢記叢殘知交常感遭逢易
兄弟相依出處難薇省頭銜簪筆冷松陵烟水釣船寬

如何一闕漁家傲贏得雞林貴素紈

乍浦程騰齋參將屬繪理釣圖時騰齋遷粵東副
鎮爰題六絕卽以送行

韜畧公然不世才強弓曾使怒潮回當年遊釣情難忘
還我英雄本色來

兩鬢新霜百戰身海天烽火記親巡揭來閒卻屠鯨手
改作船頭撒網人

想見潘輿侍奉深星髀拋卻便敲鍼肯教妄動臨淵羨
中有姜詩一點心

等閒大羽表功勳愛捉鳬鷗狎水雲不是尋常貌行路
丹青我愧故將軍

八達海遺言
四
春風三月去珠江
蠻女鮫人拜赤幢
四海車書今混一
秋波銅柱等漁樵

騷客登壇上將同
相看車笠別匆匆
倘逢顧況應傳語
念否蘆中一士窮

謂耕石
學使

客夜聞孤雁慨然有作

欹枕藤牀睡不成
忽驚離思逐宵生
鳴哀訴怨難排字
犯雪欺霜易失更
黑霽鄉關千里隔
綠搖孤館一鐙迎
幾回落葉傷懷抱
碎翦西風又此聲

林塘回首記清遊
怕對當時舊鷺鷗
滿眼江湖難托足
舉頭繒繳輒生愁
欲投隻羽伊誰遣
僅免飢腸亦自羞
賸得衡陽殘唳在
教人爭不要悲秋

上巳前二日寄素卿女弟

研奩鈿尺互橫斜別具樓頭小絳紗
佛面莊嚴皈芍藥仙巾瀟灑折蓮華
清琴鼓後寒銀甲妙墨圖來炫玉叉
又是滿鬟時節近春風珍重七香車

又題素卿翫月圖

隱隱仙雲捲綠羅銖衣來受晚涼多
廣寒忽送霓裳曲閒叩晶簪答素娥

水中明月月中身慧業重教認夙因
冰鑑一奩秋四面本來我是弄珠人

題蓮湖釣徒小影

壬辰

西向不作長安笑東還獨理吳淞釣
經綸才大世莫知

回首滄洲從我好水風搖兀屋如艇閒鷗對客日延頸
圖史縱橫艇如屋家具還餘一竿竹蓮湖百頃磨青鏡
蓮哥唱罷漁哥應蘆中鼓柁亦家人那有催租敗詩興
擊唾壺拍銅斗好風吹人來勸酒一聲長嘯動滄溟十
里蘆花顛白首羨君此際真得所日對青山隨仰俯哦
詩不解妻奴愁搖筆能使魚龍舞苦吟十載成瘦腰尙
餘意氣凌雲霄安得扶桑濯雙足還來踏浪尋盧敖

吳淞植木棉居農田之半今夏花開特盛入秋風
雨實落殆盡爲寫成圖附詩紀異

海濱吉貝產年年多半人家當種田竟作優曇花一現
可憐著手不成絲

空思衣被到蒼生聽斷柴門紡絮聲縱有香山裘萬丈
可能真蓋洛陽城

閨中工作且辭勞無復寒衣費剪刀此後蕭蕭風雪裏
聽來不但癸庚號

嘉禾道中喜晤姚大古然及令子杏士喬梓追陪
論交彌篤回憶洙涇訂盟十六年矣爰成律句
爲贈並送甬東之役

一笑侯門罷曳裾輕裝何處辦苞苴蕭疎枳棘迴孤鳳
浩蕩江湖轉困魚傳定文章名位欠澆殘壘塊酒盃虛
輸他桂子丹山早不廢當年種樹書

榆柳空教大十圍丈夫難守故園扉少陵稷契徒空許

翁子功名料不違
八口穀難同鶴儉
箇人儘有食熊肥
笑他飢死東方朔
拔劍猶聞割肉歸

客中送客兩人憐
話到將來各惘然
舊雨漸疎吳苑柳
詩人重擺鏡湖船
看山句好成何處
寄我書來是幾年
穩訂前頭珠樹鶴
明春卻向帝城邊

聞明歲將由甬入都

題姚古槎中年聽雨圖

到此澆愁酒不靈
孤篷搖兀水風并
黃蘆苦竹天涯感
不是芭蕉葉上聲

咏薺花

暖風過油菜春意動
幽姿尺土星星遍
村陰淡淡滋開
無遊客賞香謝
肉人知碎米名尤稱
珍珠樣畧差
倦蠶

辭舊園飛蝶遠疎籬偶爾成榮落伊誰替護持五溪經

眼賤三日上頭宜

吳俗婦女以三月三日頭戴薺花則經年無疾

指汝何羞態

留賓亦儉資芳情殊屑屑野色也綏綏藜藿由來慣田園小足怡珍留坡老話煮入彥之詩底事悲花帖偏傳楊少師

題河東君手繪撲蝶士女圖爲常熟錢似山作

一團風絮卷春愁賸粉偏教畫本收疑是牙籤吹劫火紙灰飛冷絳雲樓

舞衣歌扇自逶迤過眼南園長棘枝一樣淒涼家國恨丹青今已屬蛾眉

故宮花草蔽塵沙紅豆依然豔暮霞蒙叟原爲蝴蝶去

卻疑春色在隣家

十二月十九東坡先生誕辰同人集馬二槎吟香
仙館設酒爲先生壽

其登仙館禮仙蹤幾箇晨星百里中問訊無煩來北客
辦香奚止奉南豐花豬肉大先生笑藥玉船寬我輩同
醉裏便須攜鐵板替公高唱大江東

宰相生憎百姓歌此身去住總由他四朝憂國遭讒遍
一第同官悵別多歸計何年投鶴觀巢痕回首失鸞坡
不知只尺杭州路應否孤魂蠟屐過

楊將軍三邊索句圖

不須投筆始封侯絕塞風雲一卷收健句屢驚磨盾鼻

生還先喜盼刀頭琵琶九帳尊前曲勅勒三軍馬上謳
滿幅吟髭看颯爽丹青褒鄂避風流

馬二槎集同人題昌巢民樸巢幽賞圖圖爲姬人

金曉珠所補曉珠並肖已像附側

得賞字

雉城烟景匹無兩豐暇豫日延清賞翩翩濁世公子豪
酒地花天一偃仰侍兒不少女相如玉軸牙籤交執掌
就中最稱金曉珠日事丹青爲供養寵冠釵叢影自憐
藝精絹素神俱往得意聊同貌入圖傳情寫態生妍想
遂令佳話遍東南團扇屏風各摹仿是時滄海驚揚塵
那信區區猶息壤壓境方張拔扈軍鋤奸共倚清流黨
自知抱負本瑰奇想見鬚眉增颯爽可憐故國冷霓裳